



Stiftelsen Emma Hjorth Boligselskap

SHURUUCDA WADISTA IYO BAARKINKA BAABUURTA ee Dhismayaasha Iskaashiga Guryeynta ee Stiftelsen Emma Hjorth

18.03.2019

Qodobka 1aad

Dhammaan kiraystayaasha iyo martida waxaa waajib ku ah inay raacaan xeerarka loogu talagalay wadista iyo baarkinka ee dhismayaasha iskaashiga guryeynta. Tigidhka baarkinka ayaa la bixin doonaa haddii sharciyada la jebiyo, baabuurkana waa la jidi doonaa haddii xaaladu daran tahay. Goobta baarkinka waxaa loogu talagalay baabuurta miisaankeedu yahay ilaa 3500 kg.

Qodobka 2aad

Kiraystayaasha isticmaalaya meelaha baabuurta la dhigto ee gudaha ama dibedda dhismayaasha iskaashiga guryenta (ugu badnaan 2 baabuur qoyskiiba) **waa inay** Xafiiska Guriga u keenaan lambarka diiwaangelinta baabuurka. Lambarkan waxaa laga diiwaan geliyaa shirkadda baarkinka oo waxaa uu cadeyn u yahay in gaariga lagu leeyahay aagan. Tigidhka baarkinka ayaa la bixin doonaa haddii lambarka gaadiidka aan la diiwaan gelin. Tani waxay khuseysaa baabuurta la dhigto gudaha iyo dibedda guriga laduba.

Kiraystayaasha leh meel bannaan oo loogu talagalay dhigashada baabuurka **waa inay** isticmaalaan booskaas. **Gawaarida diiwaangashan oo kaliya ayaa loogu talagalay in la dhigo baarkinnada baabuurta la dhigto.** Kiraystaha waxaa waajib ku ah inuu xaqiijiyo in albaabada xiranyihiin marka ay ka baxayaan goobta baabuurta la dhigto, haddii ay gaari wataan iyo haddii kalaba.

Qodobka 3aad

Gawaarida, badeecada / tareelaha doomanka, gawaarida xayawaanka iwm ee aan diiwaangashaneyn **lama** dhigi karo ama lama joojin karo dhismaha iskaashiga guryeynta, hanoqoto gudaha ama dibedda goobta baarkinka baabuurta, waana la jidi doonaa iyado oo kharashkeeda iyo masuuliyadeeduba ay korka ka saaran tahay milkiilaha.

Dhamaan gawaarida baarkinka ku jira ee la cidleeyey, gaadiidka / gawaarida xamuulka, iwm, oo hor istaagaya wadista baabuurta iyo dhaqdhaqaaqyada joogtada ah ee dadka degaanka ah ee isticmaala goobta, iyo dhinacyada jidadka dibedda ah, isla markiiba waxaa la siin doonaa tigidhka baarkinka.

Ku dayactiridda baabuurta gudaha meelaha baabuurta la dhigto ama meelaha kale ee ay iska leeyihiin iskaashiga guryeynta lama oggola. (Bedelaada taayirada waa la aqbali karaa)

Qodobka 4aad

Martida waxaa loo oggol yahay inay gawaaridooda dhigaan meelaha baabuurta la dhigto ee banaanka ah. Dhamaan guryaha waxaa la siiyaa laba oggolaansho oo baarkinka martida ah. Tani WAA IN loo isticmaalaa booqashooyinka. Waa mas'uuliyadda kiraystaha in uu xaqiijiyo in dadka soo booqda ay oggolaanshaha baarkinka martida geliyaan muraayada hore ee gaariga (meel laga arki karo). Haddii ay jiraan Baahiyo ku-meel-gaarka ah, la xiriir Xafiiska Guriyeynta. Tigidhka baarkinka ayaa la bixin doonaa haddii ruqsadda baarkinka aanan la helin.

Qodobka 5aad

Isticmaalka goobta baarkinka ee loo isticmaalo in gaari alaab laga dejiyo ama lagu raro, hadiiba ay gebi ahaanba lagama maarmaan tahay, waa la ogol yahay lakin waa ilaa iyo 15 daqiiqo. **Ku-waditaanka ama dhigida baabuurka meelaha cawska leh, meelaha lagu ciyaaro, meelaha lagu raaxeysto iyo goobaha la midka ahba lama ogola.**

Xawaaraha ugu sareeya ee loo ogol yahay agagaarka guryaha waa 10 km / h. Wixii baahi gaar ah oo la xiriira baarkinka, xafiiska guryaha waa in lala xiriiraa.

Qodobka 6aad.

Marka uu ka baxaayo ama uu soo galaayo, kiraystaha waa inuu haystaa rukhsada ku meel gaar ah ee wadista iyo baarkinka gaariga ah haddii uu rabo inuu gaariga ka dejiyo alaab, iwm. Tani waa la sameeyaa inta u dhexeysa muddada 09: oo - 21: oo

Marka raritaanka iyo dejinta la dhammeeyo, nooca gaadiidka waa in la dhigaa meel banaanka ah.

Tigidhka baarkinka ayaa la bixin doonaa haddii aysan jirin rukhsada baarkinka.

Qodobka 7aad

Kiraystayaasha doonaya boos bannaan si ay u jaajareystaan gawaarida korontada, waa inay ka codsadaan xafiiska guriyeynta si ay u kireystaan xarunta jaajareynta. Akhri qawaaniinta gooniga ah oo ku saabsan qodobkan. Isticmaalida Korontada kuleylka xarunta keenta ama fiilooyinka dheeriga ah si loogu jaajareeyo gawaarida noocan ah **waa mamnuuc.**

Qodobka 8aad

Godobkan, **"Tilmaamaha loogu talagalay xarumaha la wadaago ee baarkinka baabuurta"** oo ka socda Waaxda Dabdemiska Asker iyo Bærum, waa mid aad u muhiim ah, waana in la fuliyaa qodobbadiisa. Tilmaamahan iyo xeerarka guud ee baarkinka baabuurta ayaa si wadajir ah loo saxiixi doonaa.

NB: Dhamaan dhismayaasha iskaashiga guryeynta waxaa ay saxiix ka haystaan Q-Park, taas oo ah waaxda kormeerka ee qandaraaska lagula galay dardargelinta xeerarka wadista iyo baarkinka gawaarida.



Tilmaamaha loogu talagalay xarumaha la wadaago ee ah baarkinka baabuurta

Dabka ka kaca xarumaha baarkinka baabuurta la dhigto, gaar ahaan kuwa dhulka hoostiisa ah, waxay caqabad weyn ku noqon kartaa waaxda dab-demiska si ay wax uga qabtaan. Sidaa darteed, waxaa muhiim ah in sida ugu macquulsan loo kaydiyo oo khatarta dabkana uu noqdo mid aad u hooseeya.

Shuruudaha iyo tilmaamaha loogu talagalay xarumaha la wadaago ee baarkinka baabuurta

- Kaliya baabuurta iyo qalabka baabuurta ayaa lagu keydin doonaa xarumaha la wadaago ee baarkinka baabuurta. Qalabka baabuurta waxaa halkan loogu isticmaalay in lagu macneeyo saqafka baabuurta/ qalabka cayaarta barafka / sanduuqa qalabka cayaarta barafka iyo taayirada.
- Lama ogola in lagu dhax sameeyo dayactirka baabuurta ama shaqo kasta oo keeni khatarta dabka.
- Lama oggola in gaaska guban kara lagu kaydiyo baarkinada dhulka hoostiisa ah.
- Dareeraha guban kara laguma kayd in doono xarumaha baabuurta la dhigto.
- Xarmaha baabuurta la dhigto waa inay ku xirnaadaan qalabka dabka lagu damiyo ee gacan-qabadka ah ama waa inuu lahaadaa nidaamka dab deminta ee gaara qol walba. Qalabka dab-demiska ee gacan-qabadka ah waa inuu u hoggaansamaa ugu yeraan heerka waxtarka 21A. Qalabka dab-deminta waa in si cad loo calaamadeeyaa.
- Jidadka laga baxo waa in la calaamadeeyaa.
- Qalabka farsamada, sida qalabka dab-deminta, albaabada dabka aan karin, rusheeyayaasha, nidaamka digniinta dabka, saarista hawada qiiqa, iwm. Waa in ay u shaqeeyaan sidii loogu talagalay oo si joogta ah waa in loo kormeero.
- Baabuurta korontada lagu jaajareeyo, tani waxa kaliya lagu sameyn karaa xarumaha si gaar ah loogu talagalay ujeedadaas.
- Baabuurta korontada ku shaqeeya waa in la dhigaa meel u dhow albaabka garaashyada ama xarunta baarkinka looga galo / baxo.

"Shakhsi kasta waxaa waajib ku ah inuu muujiyo feejignaan uuna dhaqangeliyo feejignaanta si dabka, qaraxyada iyo shilalka kale looga hortago." Sharciga Ka Hortagga Dabka iyo Burburka Qaybta 5aad

Isticmaalaha / qofka guriga leh ayaa masuul ka ah hubinta in shuruudaha iyo tilmaamaha la raaco.

Kiraystaha

Wakhtiga iyo goobta

Stift. Emma Hjorth Bolig.